



BEGZAT  
RRAHMANI

***RREZE  
MIRËSIE***

BEGZAT RRAHMANI

R R E Z E M I R Ë S I  
-POEZI FETARE-

Feniks- Kërçovë, 2003

Redaktor: Hysen Kaleshi

Recensentë: Safet Q. Purellku  
Qufli Osmani

Lektore: prof. Gëzime Baftiri

Radhitja kompjuterike:  
Feniks- Kërçovë

Për ballinën u kujdes:  
Arton Ahmadi

Botoi dhe shtypi:  
Feniks-Kërçovë

Kërçovë, 2003

BOTIMIN E FINANCOI:BASHKËSIA ISLAME  
REGENSDORF ALTHARDSTRASSE-10  
8105 REGENSDORF  
ZURICH-ZVICËR

PËR FAMILJEN TIME:  
BASHKËSHORTES, VEXHIJE  
VAJZAVE: GËZIME, TEUTA DHE YLLZËS ME  
PËRKUSHTIM

## FJALA E RECENSENTIT:

Kësaj radhe poeti dhe shkrimtari Begzat Rrahmani përpara lexuesve paraqitet me një përmbledhje poezish me përmbajtje fetare, e cila mbart një shprehje të fuqishme artistike-shpirtërore Islame.

Ky është një punim me përkushtim dhe pasion, por njëkohësisht edhe sintezë dhe art në penë origjinale i këtij autori.

Në këto poezi autori i prezanton vargje me vlera nga Kur' ani famë lartë si kryevepër dhe ligj shumë shekullor i botës Islame.

Vepra është shkruar me një mjeshtri të artit poetik, në një nivel sa komunikues aq edhe intim, dhe me këtë përmbledhje poezish autori kësaj radhe rrugëton në botën e madhe të letërsisë Islame.

Në përmbledhjen që prezantojmë “ Rreze Mirësie”, hasim në poezi me tituj si: Kur' ani, Leximi, Besimtari, Koha, Përjetimet, Lapsi, Profetët, Drita, Dituria dhe shumë tituj të tjerë. Do të citoj ca vargje nga poezia “Koha” të kësaj përmbledhje:

Koha s' të pret  
Pasi s' ka mëshirë  
I regjistron veprat  
Të keqe dhe të mirë.

Kjo dhe shumë poezi të tjera janë si lulet e pranverës me aromë dhe ngjyra të tyre pranverore, që të qetësojnë shumë shpirta të trazuar.

Me leximin e këtyre poezive lexuesit zbulojnë një botë krijuese me mendime fetaro-kombëtar, ku mbizotëron dashuria për Zotin, Kur' anin, Dijeninë dhe Atdheun.

Autori me pak fjalë arrin të hedh shumë dritë në tërë atmosferën e një periudhe shumë shekullore, dhe si vazhdues i zinxhirit të dijes poetiko-Islame, do të hapi rrugën edhe shumë punimeve të tjera të kësaj natyre, që prej kur janë shumë të rralla në tërë hapësirën Ballkanike dhe më gjerë.

Janar, 2003

Safet Q. Purellku

## KUR' ANI

Si oqean i pa fund  
Është Kur' ani i madhëruar  
Për të njohur botën  
Atë duhej studiuar.

Prandaj ty o njeri  
Zoti të fali mendjen  
Ta hulumtosh atë  
Që me sy e vëre.

Të shkosh edhe më lart  
Në trupat qiellor  
Atë që ta kap truri e syri  
Zoti ta la në dorë.

Përherë është Kur' ani  
-BURIM I DITURISË-  
Që ia fali Zoti  
Si privilegj njerëzisë.

## PËRJETIMET

-Muhamedit a.s.-

Shpjegonte Kur' ani  
Pasi adhuronte Perëndinë  
Engjëlli i nderuar Xhibril  
Ia sillte me radhë Diturinë.

Në vetmi PËRJETONTE  
Ato fjalë të bukura  
Në zemër, tru e shpirt  
Merrte krahë si flutura.

Urrente idhujt dhe idhujtarët  
Që harxhonin kohë e materiale plot  
A s' deshën të besojnë  
Krijuesin e motrave – ZOT.

Si jetim Muhamedi a.s  
I besonte veç një PERËNDIJE  
Që tash KUR' ANI famë lartë  
I shton emër dhe hije.



## PROFETËT

Edhe të dërguarit e ZOTIT  
Kanë qenë njerëz si ne  
I kanë lindur prindër  
Por është kujdesur një re.

Kanë komunikuar me engjëjt  
Për të mirën e njerëzisë  
Pasi s' kanë bërë gabime  
Në urdhrat e Perëndisë.

S' mbaheshin kokë lartë  
Si duronin as adhurimet  
Përherë në mesin e njerëzve  
Përjetonin gëzimet.

Profetit MUHAMED  
KUR' ANI iu shpall  
Dhuratë e Perëndisë  
MREKULLI e rrallë.

## ENGJËJT

Prej kur i ka krijuar Zoti  
Engjëjt kurrë s' kanë bërë gabim  
Kryejnë urdhrat e dhëna  
Me devotshmëri dhe pa devijim.

Me besën që kanë  
Dhe si fëmijë të bukur  
Me krahë mbi shpinë  
Fluturojnë si flutur.

Janë të përjetshëm  
Si edhe vet KRIJUESI  
S' ka ç' u bënë djalli  
As njeri mashtruesi.

Për Zotin dhe Engjëjt  
Lexoni pa ndal  
Librin e shenjtë KUR' ANIN  
Që juve o njerëz u është fal.

## BESIMTARI

Kurrë s' vdes besimtari  
Që beson në një ZOT  
Ai vetëm kalon prej njërës  
Në një tjetër botë.

E ka kuptuar jetën  
Si në ëndërr e gjumë  
Të bëjë vepra të mira  
E të mos përdori dhunë.

Kryen obligimet e jetës  
Viziton SHTËPINË E ZOTIT  
Ik nga jo besimtarët  
Dhe rrebeshet e motit.

Leximi KUR' ANIT  
E frymëzon të dojë njerëzinë  
Prapësitë ia ndal një vrull  
Të mos harrojë përjetësinë.

## NDERIMI I ZOTIT

Nata kur lindi  
I dashuri i ZOTIT  
Ishte e qetë e kthjellët  
Si pika e lotit.

Rrezet e hënës  
Shndritnin si fanar  
U habit nj[erëza  
Kurrë se kishin parë.

Shtëpia mori pamje  
Dhe aromë pa përshkrim  
- ZOTI E NDEROI-  
Me mirësi e amshim.

ZOTI i dhuroi BURIMIN  
Që kurrë s' ka mbarim  
KUR' ANI FAMËLARTË  
Për njerëzimin shpëtim.

## BESO PERENDINË

Që të stolisesh  
Me para e ar  
S' do jesh rehat  
Kurrë në jetë e varr.

Si ke fituar ato  
Me djersë e nder  
Aty ku ke hyrë  
Ke lënë helm e vrer.

Sfidon Zotin  
Vdekja thua është larg  
Djallin e mallkuar  
Ke në trua e barkë.

Lexo KUR' ANIN  
Të besosh PERENDINË  
Të lesh rehat vëllezërit  
Të gëzojnë lirinë.

## LOT GËZIMI SIKUR SHI

Havës i erdhi fryma  
Ademit pështyma  
Pemës së kuqe mollë  
Shejtani tha unë e solla  
Hava hëngri e ndeu lezet  
Merr tha Ti Adem ç' pret  
Përqafim-dashuri  
Lot gëzimi sikur shi  
Gufoi barku dalëngadalë  
Lumi shkonte valë-valë  
U njom toka u rrit bari  
Erdhi pranvera erdhi behari  
Pastaj lindën dy binjakë  
ZOTI krijoi ditë e natë...

## NGADHËNJIMI

Ndihmën e ZOTIT  
S' ta jep asnjë prind  
Këtë të vërtetë fëmija  
Ta di që kur lind.

Këto të vërteta shkruhen  
Te LIBRI I ZOTIT  
Dhe ngadhënjimi i tyre  
Nëpër rrugët e lotit.

Ashtu e mban besimin  
Dhe mëshira ndaj njerëzisë  
Me dhembje të pa durueshme  
Për hir të PERENDISË.

Ai që lexon KUR' ANIN  
I BESON PERENDISË  
Siç kujdeset për prindër  
I kushtohet edhe fëmijë.

## VAJIN NDAL FËMIJA

Shpirtin ma qetëson  
Një melodi nga larg  
Mjeshtër i madh  
Autori në varg.

Shtatë pashë në qiell  
Shtatë pashë në tokë  
Lulet shpërthejnë  
Në luadh e bokë.

Nënës i vjen qumështi  
Vajin ndal fëmija  
Rrugët mbushen plot  
Përmbushen xhamijat.

Ndalen dhembjet  
Në trupin e sëmur  
I përkulen-EZANIT-  
Dhe më s' vinë kurrë.

Të zhduken nuskat  
Dredhitë nga jeta  
-FEJA ISLAME-  
Dhe punë të vërteta.



## TRURI

Trupin dhe shpirtin  
I përjetëson truri  
Me veprat e jetës  
Që në shërbim i vuri.

Trupit dhe trurit  
Koha u hedh pluhur  
Por shpirti e vepra  
I ruajnë si gurët në mur.

Flasin për emrin e trupit  
Por edhe shpirtbardhësinë  
Për veprat madhështore  
Që lumturon njerëzinë.

Lexoni KUR' ANIN  
Që të gjeni THESARIN  
Në kohën më të keqe  
Të shijoni beharin.

## SHPIRTI

Kurrë mos mendo  
Se shpirti ka ngjyrë  
siç duken njerëzit  
në trup e fytyrë.

Kudo që të ndodhet  
Shpirti mburret e krenohet  
Kurrë imagjinata e pamjes  
Mirësinë s' ia vret.

Epshtet njerëzore  
I japin shpirtit ngjyrë  
Për qëllime të sëmura  
Lumturi apo mynxyrë.

Me ZOTIN E KUR' ANIN  
Duhet të jeni përherë  
Për ngjyrën njerëzore  
Shpirti kurrë s' vjell vrer.

## LAPSI

Në fletët e KUR' ANIT  
Me laps u mbollën germat  
Dijenja e ZOTIT TË BOTRAVE  
Për njerëzinë dhuratë e fat.

Për të marrë rrugën e drejtë  
I betuar për punë të mbarë  
Të pohojë të vërtetën e Kur' anit  
Që nga rreshtat e parë.

Me gjuhë e laps çdo ditë  
Mbillni e korrni pasuri  
Në rrugën e drejtë të ZOTIT  
Do të gjeni o njerëz lumturi.

Krenoheni me KUR' ANIN E ZOTIT  
Burim që mbush oqeane e dete shumë  
Prej gëzimit si krijesa me shqisa  
Le të shkojnë lotët rrëke lumë.

## URATAT

Atë që e ke në kokë  
Duhej ta mbjellësh në letër  
Pasi për gjatësinë e jetës  
Përgjegjës është dikush tjetër.

Pastaj ta hapësh rrugën  
Në katër anë të botës  
Dikush do të thotë  
MJAFTË AHENGUT TË GOTËS.

Do të jesh me ta  
Natë ditë  
Fjalët e bukura në varg  
Fëmijës i shtojnë rritë.

Uratat e tyre  
I pranon Perëndia  
Si prej Ajeteve KUR' ANORE  
Që përherë rrjedh dijenia.

## DHURATA E PERËNDISË

S' ka njeri të mençur  
Që bëhet rob i pasurisë  
Veçanërisht kur ndërmjetëson  
Edhe dora e tradhtisë.

Këtë ofertë e pati  
Edhe i dashuri i PERËDISË  
Por ai i lumtur zgjodhi  
Rrugën e DREJTËSISË.

Qëllimin e arriti  
Me djersë e mund plot  
Sukseset i radhiteshin  
Siç radhiten edhe sot.

PASURI MË TË MADHE  
Se KURA' ANI s' ka në botë  
-DHURATA E PERËNDISË-  
Që shndrit kah mot...

## GURI I PUSHIMIT

Në skaj të fshatit  
Te GURI I PUSHIMIT  
U ul gruaja fisnike  
Ti kundërvihet pikëllimit.

Plaku i ndershëm  
Me shumë mençuri  
Të ma ruash tha nipçen  
Do të shpërblej me flori.

Mos u mërzit tha fisnikja  
Jam një nënë me përvojë  
KY YLL DRITE do të ketë  
Zemra e shpirti ç' ti dojë.

Halimeja ishte e bindur  
Në ZOTIN E VËRTETË  
Prandaj i erdhën ato të mira  
Që si kishte pasur në jetë.

Prandaj Ju o njerëz  
Besoni PERËNDISË  
KUR' ANIT DHE PROFETIT  
Burime të përjetësisë.

## ÇLIRIM NGA MISTERI

Çdo fjalë e shkruar  
Është për ty o njeri  
Të hulumtosh tokë e qiell  
Për jetë e pavdekshmëri.

Fjalët e shkruara  
I përjeton me zemër  
Dhe për KRIJUESIN ZOT  
S' thua tjetër emër.

Bindesh me shpirt e zemër  
Me plot devotshmëri  
Çlirohesh nga misteri  
Në trup ndjen freski.

Këto fjalë të shkruara  
Janë radhitur në KUR' AN  
Pasuria më shtrenjtë  
Që Muslimanët e kanë.

## FRYMËZIMI

Truri, shpirti e zemra  
Pajtohen e bëhen një  
Pastaj i thonë syrit  
Ndalu pak, këtu rri.

Gjersa kënaqen  
Me ata bukuri  
Truri thotë: ç' pret  
-SHKRUAJ O NJERI-.

Ajo që mbillet  
Përherë ngel në letër  
Ty të jep emër  
Por kënaq edhe tjetër.

Siç jeni kënaqur  
Dhe aftësuar prej DITURISË  
Nga KUR' ANI famë lartë  
-FRYMËZIM VËRTETË I PERËNDISË-.



## DRITA

Si hëna që shndrit me rreze  
Zemra të shndris me Dituri  
Edhe vet ZOTI të krenohet  
Me krijesën që i thonë njeri.

DRITA tregon rrugën  
Ti japish drejtim Veprimtarisë  
Të bësh vepra të mëdha  
Për të mirën e njerëzisë.

Në tërë botërat  
Ka vetëm një të vërtetë  
-VETËM ZOTI ËSHTË NJË-  
Dhe s' ka asnjë të metë.

Si burim drite  
-VETËM KUR' ANI SHNDRIT-  
Krijesës që i thonë –NJERI  
Në çdo vend i shton rritë.

## DITURIA

Mos shiko vendin dhe gjuhën  
Për të marrë DITURINË  
Pasi i ditur je i dobishëm  
Për vetveten dhe shoqërinë.

I frenon epsheet  
Dhe i ik çdo gabimi  
Beson ZOTIN e vërtetë  
Asnjë lloj adhurimi.

Çelësat e jetërave  
I ka PERËNDIA  
Por dyert e pengesave  
I hap dituria.

Kur ta lexoni KUR' ANI  
Do të bindeni vetë  
DITURIA prej AJETEVE  
Është ÇELËS i vërtetë.

## MREKULLIA

Njeriu i mençur  
Bënë edhe mrekulli  
Besimin ia ka falur ZOTIT  
ZOTI i ka falur dituri.

I forti s' beson aspak  
Pasi ka mjaftë pasuri  
Ashtu si Faraoni  
Me plot kokëfortësi.

Që s' donte të dëgjojë  
Për ekzistimin e ZOTIT  
S'u besonte mrekullive  
As rrebesheve të motit.

KUR' ANI na tregon  
Për shumë mrekulli  
Leximi me vëmendje  
E bind çdo njeri.

## RREZE MIRËSIE

Në mëngjes kur takohet  
Syri me rrezet e diellit  
Mendo për të mirat e ZOTIT  
Në Tokë dhe lartësitë e qiellit.

Mendo për të mirën  
Të keqen sfido përherë  
Atë që s' është e jotja  
Mos e lakmo-mos e merr.

Për të gjithë veprat  
Kujdeset vetëm ZOTI  
Dënim më i rëndë është  
Aty ku mbillet loti.

Na dërgoi KUR' ANIN  
-ZOTI I GJITHËSISË-  
Të jemi të devotshëm  
SI RREZE TË MIRËSISË.

## KOHA

Koha është si lumë  
Që rrjedhë përherë  
Si në dimër –  
Ashtu në verë.

Koha s' të pret  
Pasi s' ka mëshirë  
I regjistron veprat  
Të keqe dhe të mirë.

Besimtarët e ZOTIT  
Kanë bërë edhe çudira  
Koha i ka vulosur  
Si vepra të mira.

Kur' ani ndër to  
Është PIADESTALI  
Që ZOTI njerëzisë  
Me dëshirë ia fali.

## LUFTA

Besimtari i mirë  
Kurrë luftë s' të shpall  
Por nëse të shpallet  
Duhet ti bësh ballë.

Armiku ka qëllim  
Të të shkatërrojë pasurinë  
Të të vrasi popullin  
Dhe të të vendojë robërinë.

Këtë na e mëson  
Biografia mbi PROFETIN  
Dhe pengesat e popullit  
Që të shprehin vullnetin.

Të mbrosh ATDHEUN  
Është PARIM KUR' ANOR  
Me ndihmën e ZOTIT  
Dhe namazin ditor.

## JA-SINI

ZOTI njeriut i dha zemër  
Siç ka JA-SININ KUR' ANI  
Të dallojë mrekullitë nga vinë  
Me rrënjë të thella tabani.

Për ditën e gjykimit  
Të mendojë në këtë botë  
Djallit të mos i bëhet shok  
Pasi vdes, pendimi është kot.

Kokën mos e mbani lartë  
ZOTI për ne ka shpërblim  
-DITËN E GJYKIMIT-  
Ai të hidhe në përqafim.

Si bebëza e syrit njerëzor  
Për KUR' ANIN është JA-SINI  
Prandaj Ju o njerëz  
Mendoni nga shkoni e si vini.

## VEPRA E DËSHMI

O njeri-bindu  
Në vepra e dëshmi  
Kur të kënaqet zemra  
E shpirti ka kufi.

Pastaj mendo me kokë  
Krejt aj nga vjen  
-DËSHMIA E ZOTIT-  
Kurrë s' është rrenë.

Prandaj në çdo kohë  
Përfjeto veprën me zemër  
Pse ke tipare njeriu  
Dhe mbanë atë emër.

ZOTI na ka dërguar  
Libra e profetë të tjerë  
Por Muhamedi dhe KUR' ANI  
Janë me tjetër vlerë.



## BINDU O NJERI

Si adhuron statujat  
Që ke gdhendur vetë  
Dhe ndihmë o njeri  
Ti prej asaj pret.

Aty ku e vendon  
Dhe s' luan asnjëherë  
E ti o njeri pret  
Dimrin të ta bëjë verë.

Pse s' bindesh o njeri  
ZOTIT TË VËRTETË  
AI ËSHTË KUDO  
Dhe e bëri këtë jetë.

Lexo ç' na porosit  
ZOTI PAS KUR' ANIT  
Kënaqu me mrekullitë  
E fesë së Islamit.

## JETA SHPIRTËRORE

Qetësia kthjellon trurin  
Të kthen në jetën shpirtërore  
Të pastron të pamurit  
Dhe mendon për jetën njerëzore.

Bëhesh i kompletuar  
Beson në atë që të ka krijuar  
Të ka dhënë shpirt e shqisa  
Prandaj tjetër ‘ duhej pranuar.

Nga mendja largon punët e liga  
Ashtu e ruan nderin e shtëpisë  
Të respekton rrethi familjar  
Kurrë s’ gabon ndaj PERËNDISË.

Engjëjt të shtynë të lexosh  
Librin e Shenjtë KUR’ ANIN  
Që të lidhe fortë e ngushtë  
Me VATANIN dhe IMANIN.

## LIBRI I JETËS

Emrat që mbani  
I keni kot pa besim  
Prej ZOTIT të motrave  
Shpirtin e pret gjykim.

Parajsa fitohet  
Me besim në ZOT  
Por edhe ferri plot zjarr  
Me besimin e kot.

Jeta e juaj kalon  
Si uji në lumë e det  
Veprat e mira e të këqija  
Ajo kurrë si pret.

Engjëlli regjistron  
Në LIBRIN E JETËS  
Prandaj madhëroni ZOTIN  
Për KUR' ANIN E TË VËRTETËS.

## GURI I ZI

Mos bëni përçarje  
Për famë e pasuri  
Lexoni çfarë ndodhi  
Për GURIN E ZI.

Plaku i mençur  
Dha një propozim  
Kurse Muhamedi a.s.  
Përçarjen e mundi me besim.

Durimi dhe këshillat  
Për njeriun janë obligim  
Që të zbusin epshet  
Dhe të gjejnë shpëtim.

ZOTI na dërgoi KUR' ANIN  
Rrugën e drejtë për jetë  
Libri më i përsosur  
Çdo fjalë shkencë e vërtetë.

## BESIMI I DREJTË

Trupin e shpirtin  
I bashkon DIJENIA  
Dhe BESIMI I DREJTË  
Ç' Është PERËNDIA.

Emri njeri  
Shndrit si yll  
Si burimet e jetës  
Që ndodhen në pyll.

ZOTI I PLOTFUQISHËM  
NDODHET Çdo kund  
Bë mirë sa je gjallë  
Pasi vdes krejt merr fund.

Burimi i dijenisë  
Është KUR' ANI FAMËLARTË  
Lexoni me kujdes  
E me zemër të zjarrtë.

## RRESHTIMI

Atje ku flitet  
Dëgjo dhe hesht  
Ti kuptosh fjalët  
Siç vinë rresht.

Ashtu si besimtarët  
Që rreshtohen në xhami  
Të kryejnë obligimet  
Me plotë liri e qetësi.

Siç u rreshtuan Profetët  
Me urdhër të PERËNDISË  
Të mençur e të ditur  
Shpëtimtar të njerëzisë.

Si rreshtimi AJETEVERE në KUR' AN  
Dhe në qiell planetët e renditura  
Të përhershëm në rrugët e vet  
Prandaj s' ka të pa pritura.

## SHIU

Shi binte dje  
Bie edhe sot  
Do të bie edhe nesër  
Pa të s' mundemi dot.

Është mrekulli e ZOTIT  
Që tokës ti japi jetë  
Besoni dhe bindeni  
Ajo është e vërtetë.

Shiu mbush lumenjtë  
Det dhe oqean  
Burime të pa shtershim  
Në botë, dhe çdo anë.

KUR' ANI FAMËLARTË  
Shkruan me përpikëri  
Që pikat e ujit në tokë  
S' lejon vdekshmëri.

## BETIMI

Njeriu në agim  
Duhet ti betohet ZOTIT  
Për punë të mbara  
Gjatë ditëve të motit.

Ai që ka mend e shpirt  
Dhe kupton ç' është dënimi  
Zgjedh rrugën e ZOTIT  
Pasi ajo është mbarsmëri.

Ashtu i ndal prapësitë  
Kurrë si afrohet djalli  
E kënaq pasuria shpirtërore  
Jo paraja, toka e malli.

ZOTI do ta shpërblejë  
Me PARAJSËN në amshim  
Siç shkruan në KUR' AN  
Për njerëzit shpëtim.



## PËRCAKTIMI

Përcaktohu me zemër  
Ti o njeri  
Ose për besim  
Ose për prapësi.

Zemra e pastër  
Dhe sinqeriteti në fjalë  
Shkallmojnë padrejtësitë  
Dhe shkëmbinjtë në mal.

Mos i beso djallit  
Të shtyn në zili  
Gjëja më e keqe  
Që është për njeri.

Merr rrugën e ZOTIT  
Besimtarët që kanë  
T'u iki prapësive  
Të trasuar me KUR' AN.

## ORIENTIMI

Namazi do të falet  
Sa të ekzistojë jeta  
Me ORIENTIM të ndryshuar  
Përherë nga MEKA.

Prandaj duhej vizituar  
Atë vend plotë mrekulli  
Ku u ndërtua shtëpia e ZOTIT  
Që njerëzit i thonë XHAMI.

Atëherë s' ka dallim  
Në pamje e pasuri  
Të krejt përpara ZOTIT  
Janë krijesa- NJERI.

Atje në afërsi ZOTI  
Shpalli KUR' ANIN  
Orientimin njerëzor  
Për fenë e Vatanin.

## AGJËRIMI

Si shtyllë kryesore  
Është edhe agjërimi  
ZOTI s' ka nevojë  
Por dëshmohet besimi.

Pastrohet trupi  
Këndellet shëndeti  
Me plotë besimtarë  
Përmbushet XHEHENETI.

Bisedohet për festën  
Ditën Bajramit  
Urime të përzemërta  
Besimtarë të Islamit.

Lexohet KUR' ANI  
Prej ZOTIT amanet  
Të bindur për në amshim  
Këtu askush s' ka mbet.

## VIZITA

Vizito të sëmurit  
Dhe prindërit në largësi  
Rikthe dashurinë  
Kur ishe fëmijë.

Një përqafim i ëmbël  
Dhe bisedat e mira  
I afrojnë zemrat  
Dhe rrënjaset mëshira.

Ço pak kokën lart  
Prej famës e pasurisë  
Por kurrë mos u bë  
Armik i PERËNDISË.

Për të zhdukur egërsinë  
Lexo ç' thuhet në KUR' AN  
-POROSITË E ZOTIT-  
PAS Muhamedit alejselam.

## VIZITAT E SHENJTA

Vizita në Mekë e Medine  
Pastaj edhe shpellën HIRA  
Ku lindi KUR' ANI  
Që na solli të mira.

Do të jesh i nderuar  
Dhe i lumtur në jetë  
Kryen një nga kushtet  
Si besimtar i vërtetë.

Do ta zbusësh shpirtin  
Me djallin s' ke punë  
Mbi shpirtrat e ZOTIT  
Më s' përdor dhunë.

Ditën fillo e mbaro  
Me AJETE KUR' ANORE  
Me shpirt e dinjitet  
Të zemrës njerëzore.

## KURBANI

Nëse flijohet KURBANI  
Për hir të ZOTIT  
Ato rrëke gjaku  
Gjallërojnë stinët e motit.

Atje në atë jetë  
Që i thonë SSMHIM  
Ai lumë i kulluar  
Të jep jetë e shërim.

SHPIRTI I KURBANIT  
Të del përpara si fëmijë  
Të pres thotë prej kurrë  
Me plotë dashuri.

KURBANI të flijohet  
Me RREGULLA KUR' ANORE  
Të bashkohen shpirtrat  
Dhe zemrat vëllazërore.

## HAXHI

Prej zërit të njeriut  
U rrafshuan edhe malet  
Me zemër e shpirt ZOTIT  
Çdo njeri i lutet e falet.

Të pastër në shpirt e zemër  
Siç duken në IHRAM  
Të betohen me kurbanin përpara  
Në devotshmëri e kundër haram.

Të vendosur për besim të drejtë  
Pasi ZOTI ia zërit atë fuqi  
Që malet të ulin lartësitë  
-URDHËRO O ZOT-të thotë çdo njeri.

KUR' ANI shkruan për HAXHIN  
Ku njerëzit janë të barabartë  
Të betuar në ZOTIN botërave  
Me shpirt e me zemër të zjarrtë.

## GËNJESHTARI

Ti o njeri  
Që gënjen tërë jetën  
Edhe pse s' donë në varr  
Do të tregosh të vërtetën.

Varri do të jetë varr  
I ftohtë e i vërtetë  
Pasi veç prapësi  
Paske bërë në jetë.

Afër do shikosh në varr  
Plotë lule e mrekulli  
Do të duash të marrish  
Por atje s' ka dredhi.

Pse s' besojë ZOTIN  
Tash krejt është vonë  
As lexojë KUR' ANIN  
AJETET E ZOTIT ç' thonë.



## PESHORJA

Atë që e le mangët  
Përherë në peshore  
Në librin e mëkateve  
Engjëjt e shënojnë prore.

Ta japin peshoren  
Që të marrin hakun  
Jo blerësve të ngratë  
T' ua pishë gjakun.

Atë e bënë me kënaqësi  
Se si frikohesh dënimit  
Se respekton ZOTIN  
As DITËN E GJYKIMIT.

S' ke lexuar KUR' ANIN  
Ç' shkruan për peshimin  
As çka thotë ZOTI  
Për dëmin e krimin.

## RINGJALLJA

Ditën e ringjalljes  
Do të peshohet pasuria  
Por mos mendoni në pallate  
Ku shtypej njerëzia.

Çdo gjë del në shesh  
Aty s' ka fshehtësi  
PESHORJA E AMSHIMIT  
Do të mati DREJTËSI.

Toka me male do të dridhet  
Pastaj do të kapi një errësirë  
Njerëzit do të ndahen në grupe  
Në mëkatarë e të mirë.

Djalli mëkatarët  
Do ti përqeshi përkarshi  
Do ti pyeti për pushtet  
Por edhe pasur.

Ata që kanë nderuar ZOTIN  
Dhe KUR' ANIN si rrugë drejtim  
Do të kenë bukuritë e PARAJSËS  
Të përhershëm si vendbanim.

## DERA E XHENNETIT

Me mirësi hapen rrugët  
Në rreth të ngrihet vlera  
ZOTI të shpërblen  
Për në Xhehennet të hapet dera.

Engjëjt janë gëzuar  
Që të ndjekin në jetë  
Del përpara DREJTËSISË  
Çdo fjalë të vërtetë.

Shejtanët pëlcastin  
Kurrë si ke bërë shokë  
Ke menduar për amshimin  
Por edhe këtë botë.

Rrugëve të KUR' ANIT  
Kurrë s' u mbyllet dera  
ZOTI ju shpërblen  
Kurrë s' u bie vlera.

## LEXIMI

Aty ku lexohet  
Duhet të ketë qetësi  
Truri i çlodhur  
Të kapi dijeni.

Edhe trupi i shëndoshë  
Mbahet me pastrim  
Aktivitete e punë  
Por edhe mjaftë mësim.

Dijenja të bashkohet  
Me shpirt e mish  
Që pengesat e djallit  
Të jenë disa fish.

Ditën e gjykimit  
Do të ndihemi me fletë  
Duke lexuar KUR' ANIN  
Do të bindeni vet.

## RREBESHI

Ai që s' beson ZOTIN  
Asgjë s' arrin  
ZOTI pak hidhërohet  
Por ka durim.

Jetën s' ia merr  
Ai njëherë ia jep  
Le të jetë e gjatë  
Por ka me vdekë.

DITËN E GJYKIMIT  
Krejt del në shesh  
Vetë do të pendohet  
Nga ai rrebesh.

Prandaj besoni ZOTIN  
Lexoni KUR' ANIN FAMËLART  
Të mos bëni gabime  
Ajete shkruajnë qartë.

## HIPOKRITËT

Keni ardhur në botë  
Si njerëz të pa fytyrë  
Kënaqeni kur bindeni  
Se keni mbjellë mynxyrë.

Përdorni aftësi e rena  
Që të formoni një rreth  
Pastaj ua ktheni shpinën  
S' doni hisedarë në ledh.

Dikur do paguani  
Me pasuri e kokë  
Pasi edhe ZOTI i urren  
Ata njerëz në tokë.

Pse keni atë zemër  
Të bëni krime pa ndal  
Lexoni ç' thotë KUR' ANI  
ZOTI shpirtrat i falë.

## DJALLI I MALLKUAR

Epshtet i frenojnë  
Shpirti e ndjenjat  
Pasi qëllimet e tyre  
Mirë i pesho e i mat.

Shpirti e do të vërtetën  
Por epshi shpesh bënë largim  
Pasi bashkohet me djallin  
Që shpirti të pësojë dënim.

Të thuash se s' ZOT  
Ka qëllim i mallkuari djall  
Prandaj në trupin e njeriut  
Epshet zjarr e flakë i kall.

Shpirti e ndjenjat  
Janë të lidhura me PERËNDINË  
Dhe AJETET KUR' ANORE  
Për të shpëtuar njerëzinë.

## DJALLI

Edhe pse i pa dukshëm  
I bënë shumë dëm njerëzisë  
Me marifetllëqe e ndyrësira  
I largon nga rruga e PERËNDISË.

Edhe kurrë s' pendohet  
Për atë rrugë që trason  
Kundër ZOTIT e njerëzisë  
Edhe pse të mira s' fiton.

S' paska as shpirt as zemër  
Që të thuash njëherë ndal  
Dikur do të japish llogari  
Edhe ty ZOTI të ka fal.

Pse i ngjitesh njeriut  
Dhe i trason rrugë mashtruese  
Të lejë rrugën e drejtë KUR' ANORE  
Pasi vetëm ajo rrugë është shpëtuese.



## PËRMBAJTJA

1. Kur' ani.....	6
2. Përjetimet ( Muhamedit a.s.).....	7
3. Profetët.....	8
4. Engjëjt.....	9
5. Besimtari.....	10
6. Nderimi i Zotit.....	11
7. Beso Perëndinë.....	12
8. Lot gëzimi sikur sh.....	13
9. Ngadhënjimi.....	14
10. Vajin ndal fëmija.....	15
11. Truri.....	16
12. Shpirti.....	17
13. Lapsi.....	18
14. Uratat.....	19
15. Dhurata e Perëndisë.....	20
16. Guri i pushimit.....	21
17. Çlirim nga misteri.....	22
18. Frymëzimi.....	23
19. Drita.....	24
20. Dituria.....	25
21. Mrekullia.....	26
22. Rreze mirësie.....	27
23. Koha.....	28
24. Lufta.....	29
25. Ja-sini.....	30
26. Vepra e dëshmi.....	31
27. Bindu o njeri.....	32
28. Jeta shpirtërore.....	33
29. Libri i jetës.....	34
30. Guri i Zi.....	35
31. Besimi i drejtë.....	36
32. Rreshtimi.....	37
33. Shiu.....	38
34. Betimi.....	39
35. Përcaktimi.....	40
36. Orientimi.....	41
37. Agjërimi.....	42
38. Vizita.....	43

39. Vizitat e shenjta.....	44
40. Kurhani.....	45
41. Haxhi.....	46
42. Gënjeshitari.....	47
43. Peshorja.....	48
44. Ringjallja.....	49
45. Dera e Xhennetit.....	50
46. Leximi.....	51
47. Rrebeshi.....	52
48. Hipokritët.....	53
49. Djalli mallkuar.....	54
50. Djalli .....	55
51.	

S' lejohet ribotimi dhe shpërndarja e librit pa autorizimin e autorit.

-CIP-Katalogizimi në publikim  
Biblioteka Kombëtare dhe Univerzitare  
“ Shën klient Ohridski”, Shkup

821. 18 (497.7)-1

RRAHMANI, Begzat  
Reze mirësie : poezi / Begzat Rrahmani.- Kërçovë

Bibliografia kronologjike me përmbajtje fetare të autorit Begzat Rrahmani  
të botuara nëpër gazeta dhe revista të shtypit periodik / për bibliografinë u  
kujdes dhe e mbledhi Gëzime Baftiri : f. 57-60

ISBN 9989-9669-6-6

COBIS-ID 51855114

